

Travayè Etranje Ak Nimewo Sekirite Sosyal



Èske ou Ozetazini pou yon ti tan pou travay? Si se sa, patwon ou ap mande nimewo Sekirite Sosyal ou. Yo itilize nimewo Sekirite Sosyal pou rapòte salè ou bay gouvènman an, epi pou detèmine elijiblite ou pou benefis Sekirite Sosyal. Nimewo Sekirite Sosyal yo ka distribye bay travayè etranje ki genyen otorizasyon pou yo travay Ozetazini.

Kisa mwen dwe fè pou mwen travay Ozetazini?

Toudabò, ou dwe jwenn dokiman nan Department of Homeland Security (DHS) ki montre kondisyon imigrasyon ou ak elijiblite pou ou travay pandan ou ap viv Ozetazini. Apre sa, Ou ta dwe aplike pou yon nimewo ak yon kat Sekirite Sosyal nan Administrasyon Sekirite Sosyal.

Kòmman mwen ka aplike pou yon Nimewo ak yon kat Sekirite Sosyal?

Aplikasyon pou yon nimewo ak yon kat Sekirite Sosyal fèt gratis. Pou aplike pou yon Nimewo Sekirite Sosyal:

- Ranpli yon Fòm *Aplikasyon Pou Yon Kat Sekirite Sosyal* (Fòm SS-5-HC); epi
- Montre nou dokiman orijinal ki pwouve:
 - Kondisyon imigrasyon ou;
 - Elijiblite travay ou;
 - Laj ou; ak
 - Idantite ou.
- Pote fòm aplikasyon ou ranpli ansanm ak dokiman yo nan biwo Sekirite Sosyal ki tou pre ou.

Kondisyon Imigrasyon

Pou pwouve kondisyon imigrasyon ou, ou dwe montre nou dokiman imigrasyon ki pa ekspire ou genyen nan moman an, fòm I-94, *Arrival/Departure Record (Dosye Antre/Sòti)*, ke DHS te founi ou lè ou te antre Ozetazini. Si ou se yon etidyan F-1 oswa M-1, nou bezwen wè tou fòm I-20 ou, *Certificate of Eligibility for Nonimmigrant Student Status (Sètifika Elijiblite pou Sityasyon Etidyan Ki Pa Imigran)*.

Si ou se yon vizitè pou yon pwogram echanj J-1 oswa J-2, ou dwe montre nou fòm DS-2019 ou, *Certificate of Eligibility for Exchange Visitor Status (Sètifika Elijiblite pou Sityasyon Vizitè Echanj)*.

Elijiblite travay

Pou pifò travayè etranje yo, nou bezwen wè sèlman I-94 ou, *Arrival/Departure Record (Dosye Antre/Sòti)*. Kèk travayè etranje dwe montre pèmi travay DHS yo tou (I-766 oswa I-688B). Etidyan entènasyonal yo dwe prezante lòt dokiman. Pou plis enfòmasyon, li *Etidyan Entènasyonal Ak Nimewo Sekirite Sosyal* (Piblikasyon No. 05-10181-HC).

Laj

Ou dwe prezante batistè ou si ou genyen li oswa si ou ka jwenn li san pwoblèm. Si non, nou ka konsidere lòt dokiman, tankou paspò ou oswa yon dokiman DHS founi ou, pou pwouve laj ou.

Idantite

Sekirite Sosyal ap mande pou wè dokiman imigrasyon Etazini ou genyen. Pami dokiman imigrasyon ki akseptab yo, genyen:

- Fòm I-551 ou (avèk tou viza imigran ki nan paspò etranje ou ki poko ekspire) ki ka verifye nan aparèy ki fèt pou sa.
- Fòm I-94 avèk paspò etranje ou ki poko ekspire; oswa
- Kat pèmi travay DHS ba ou (I-766 oswa I-688B).

Tout dokiman yo dwe oswa orijinal oswa kopi ki sètifye nan biwo ki founi dokiman yo. Nou pa ka aksepte fotokopi oswa kopi dokiman ki notarye. Nou pa ka aksepte tou yon resi ki montre ou te aplike pou dokiman an. Nou ka itilize yon dokiman pou de (2) rezon. Pa egzanp, nou ka itilize pèmi travay DHS ou kòm prèv elijiblite ak idantite ou. ***Men tou, ou dwe prezante omwen de (2) dokiman diferan.***

Konbyen tan sa ap pran pou mwen jwenn yon nimewo Sekirite Sosyal?

Nou dwe verifye dokiman yo nan DHS anvan nou kapab asiyen yon nimewo Sekirite Sosyal ba ou. Nap founi ou nimewo ak kat Sekirite Sosyal ou apre nou fin verifye dokiman ou nan DHS. Nan pifò tan, nou ka verifye dokiman ou yo byen vit avèk DHS sou òdinate. Si dokiman ou yo pa ka verifye sou òdinate, DHS ka pran plizyè semèn anvan pou yo reponn demann nou. Nap travay anpil avèk DHS pou diminye reta sa yo.

Èske mwen bezwen gen nimewo mwen anvan mwen kòmanse travay?

Nou pa egzije ou pou ou gen yon nimewo Sekirite Sosyal anvan ou kòmanse travay. Men tou, Internal Revenue Service (Sevis enpo sou Revni Ameriken) mande travay yo pou yo rapòte salè yo. Pou fè sa, l ap itilize yon nimewo Sekirite Sosyal. Pandan ou ap tann nimewo Sekirite Sosyal ou, patwon an ka itilize yon lèt nou ki endike ou aplike pou yon nimewo. Travay ou ka itilize dokiman imigrasyon yo kòm prèv otorizasyon ou pou travay Ozetazini. Travay ou ka jwenn plis enfòmasyon sou sit entènèt nan www.socialsecurity.gov/employer/hiring.htm.

Kontakte Sekirite Sosyal

Pou plis enfòmasyon epi pou jwenn kopi piblikasyon nou yo, vizite wèbsayt nou nan www.socialsecurity.gov oswa rele gratis nan nimewo telefòn **1-800-772-1213** (pou moun ki pa tande oswa ki tande di, rele nan nimewo TTY nou a, **1-800-325-0778**). Nou ka reponn kesyon espesifik yo, nan lè 7 dimaten jiska 7 diswa, lendi pou vandredi. Nou bay enfòmasyon tou nan yon sèvis telefòn otomatik ki fonksyone 24 èdtan pa jou.

Si ou bezwen yon entèprèt pou regle afè Sekirite Sosyal ou, nou ka fè ou jwenn youn gratis. Sèvis entèprèt yo disponib ni pou lè ou ap pale avèk nou nan telefòn, ni pou lè ou vini nan biwo Sekirite Sosyal. Rele nan nimewo telefòn gratis nou a **1-800-772-1213**. Si ou pa pale Angle, peze 1 epi rete sou liy lan pou jouk lè yon reprezantan reponn. N ap kontakte yon entèprèt pou ede ou. Si afè ou a pa ka fin regle nèt nan telefòn, n ap pran yon randevou pou ou nan yon biwo lokal Sekirite Sosyal, epi n ap fè aranjman pou yon entèprèt ki pale Kreyòl prezan nan moman vizit ou.

Nou trete tout apèl yo avèk konfidansyalite. Nou vle asire tou ke ou resevwa bon jan enfòmasyon avèk jantiyès. Se pou rezon sa a genyen yon dezyèm reprezantan Sekirite Sosyal pou kontwòle kèk apèl telefonik.